

1551

Julius Pō-
ntifex bellum
Farnesius
indicit.

Brixillū ab
Hispanis
occupatum.

Ferdināndus
Gonzaga
Parmensis
expeditionis
dux decla-
ratus.
Caesar Neo-
castrum &
Monticulum
a Ferrariē-
si petit.
Caesaris pol-
licita de
Parma ar-
bitrio Pont.
permittēda.

mi, Ferdinandum Gonzagam Brixillum, inter Regium ac Parmam ad Padi ripas situm, Herculis Ferrariensis oppidum, occupasse, atque munire nuntiatur. Ex eo Gonzagæ factō nemo fuit, qui ingentem molestiam non perciperet, quod inde initium belli factum, atque pessimo exemplo Ferrariensi intolerandam injuriam illatam arbitraretur. Pontifex licet ex Cæsaris voluntate, ac nutu pendere cogeretur, id ægre admodum tulit. Hercules impar ad injuriam repellendam ad Venetos confugit; Senatus sententiam certius sibi significari, auxilia ad suas ditiones tuendas, quæ pro munimento, ac propugnaculo ea ex parte Reipublicæ sint, suppeditari flagitat. Verum quamvis, Brixillo a Gonzaga occupato, mirum in modum Patres commoverentur, attamen a veteri sententia, qua sibi ab armis abstinendum statuerant, deduci non poterant. Itaque Herculi significant: *quæ ad Brixillum secuta sint, acerbe admodum tulisse: sibi suaderi non posse, Cæsarem oppidum per vim ei abripere velle: adhuc de concordia agitari: vix adduci, ut crederent, Suleimano ingentes copias parante, Principes vesana adeo imperandi libidine vexari, ut bellum non nisi multis cædibus, ac cladibus in Italia restinguendum inciperent: proinde a Republica maritimas vires augeri; oppida præsidiis firmari: idem exoriente bello in Gallia Cisalpina facturos: id ipsum ut Hercules efficeret, probare: confidere, ejus prudentia, ac virtute nihil rebus suis detrimenti accessurum; at ex successibus, prout se se occasio, atque opportunitas objiceret, consilia capturos, ejusque ditionibus non secus ac Reipublicæ rebus prospecturos.* Cæsar Ferdinandum Gonzagam Parmensis expeditionis Pontificis nomine administrandæ ducem renuntiat, Francisco Estensi in Subalpinis imperium tradit; neque Brixillo contentus, ab Hercule Neocastrum, & Monticulum, Regiensis agri oppida, uti ad Parmam obtinendam maxime necessaria, petit: eadem statim restitutum pollicetur. Ac ne aliam ob causam, quam Ecclesiæ commodo, & Italiæ tranquillitate ad eam urbem invadendam impulsus videretur, syngrapha se obstringit, *nullo unquam tempore a Pontifice Parmam repetitum; quæcumque in Parmensi agro castra, atque oppida possideat, juribus tantummodo Imperii, ne successoribus officiat, servatis, concessurum.*

Dum